

अग्निः पूजां प्रजनयति । वृद्धामिन्द्रः प्रयच्छति । ब-  
भुर्दक्षिणा समृध्यै । सोमापौषां चरुं निर्वपति । ऐन्द्रा-  
पौषां चरुं । सोमो वै रेतोधाः । पूषा पशूनां प्रजन-  
यिता । वृद्धानामिन्द्रः प्रजापयिता । सोमएवास्मै रेतो  
दधाति । पूषा पशून् प्रजनयति ॥ ४ ॥

वृद्धानिन्द्रः प्रयच्छति । पौषाश्चरुर्भवति । इयं वै  
पूषा । अस्यामेव प्रतितिष्ठति । श्यामोदक्षिणा समृ-  
ध्यै । बहु वै पुरुषोमेध्यमुपगच्छति । वैश्वानरं द्वादश-  
कपालं निर्वपति । संवत्सरोवाअग्निर्वैश्वानरः । संव-  
त्सरेणैवैनं स्वदयति । हिरण्यं दक्षिणा ॥ ५ ॥

पवित्रं वै हिरण्यं । पुनात्येवैनं । बहु वै राजन्याऽनृतं  
करोति । उपजाम्यै हरते । जिनाति ब्राह्मणं । वदत्य-  
नृतं । अनृते खलु वै क्रियमाणे वरुणो गृह्णाति । वा-  
रुणं यवमयं चरुं निर्वपति । वरुणपाशादेवैनं मुञ्चति ।  
अश्वोदक्षिणा ॥ वारुणो हि देवतयाश्वः समृध्यै ॥ ६ ॥

ऐन्द्रावैष्णवमेकादशकपालं यदृषभोदधाति पूषा  
पशून् प्रजनयति हिरण्यं दक्षिणा दक्षिणैकञ्च ॥  
अनु० २ ॥